

Fida Nyamesemka: Esusuowketseaba 10, 2013.
(Friday sermon – 10th May, 2013 – Fante Translation)

**HOM NTRƐ ISLAM NO NKO AMAN A WOKA SPAIN ANAA
PORTUGAL KASA (HISPANICS).**

Hadhrat Khalifatul Masih kaa ne Fida Nyamesem no fii Baitul Hameed Asordan no a owo Chino, California. Okaa de yesi no ewur de oye Nyame Ne pe a Islam bedzi nkunyim. Ahmadiyya nnye dza ogyina n'anan do fi Islam ho, nokwar nye de ono nye nokwar Islam no na nokwar Islam no nye Ahmadiyya. Se hen atotoananmufo rekrantse demara de yennye Muslimfo mpo a, anamon biara a yetu no dzi ho dase de Nyankopon nye hen wo ho de yeye Okuw. Iyi ma hen awerehyemu de Nyankopon nye hen wo ho, na se nokwar Islam nkyerekyere wobohu no beebi nde mber yi a, wuhu no fi Nkonhyenyi Kronkron (NNN) ne boonyi nokwarfo no a owo etuhoakye a otsim no ne nkyen hen mber yi mu Imam no, Messiah no a Nyankopon nam Ne nkonhye do soma no de ombakenyan Islam no. Islam nokwar asem wahye ato ho de wanam no do betrete, wo bea a Muslimfo wo ho anaa wonnyi ho. Onnkeyer biara nna wiadzamba eehu de Ahmadiyya Kuw nkotsee na ogyina Islam n'ananmu.

Hadhrat Khalifatul Masih nye dawurbo krataa bi a wofre no Los Angele Times ne okyerewfo bi dzii mbisase. Obaa okyerewfo no bisaa de oda edzi de hen dodow suar na oye de hen nka nntahye papa, obeye den ma hen kuw yi a yeda edzi de ono nye nokwar Islam yi dze Islam asomdwee nsem yi atre wo Americaman mu.

Hadhrat Khalifatul Masih kaa kyeree no de "Nnye de yedze asem no retre Americaman mu nko bi. Nokwar nye de yedze bepitse Americaman mu nye amanaman nkaa no nyainara, na oye Nyankopon Ne pe a dabi yebedzi hom akoma na hom adwen do nkunyim onye hom akaekyirimba dze aba Islam mu". Oye n'adwen mu konsee de mbre obeye a obaa okyerewfo yi dze beba dawurbo krataa no mu peperepe na mbom oakenkan ehu de okyerew no de mbre ose. Nokwar nye de, wodze tsipia na mboa abo Anohoba Messiah (ANN) no anohoba de mbre wodze bo Akomhyefo edzikanfo no. Nyankopon Ne ndzeyee kyere da no edzi mber nyinara na yegye dzi pi de: Allah ahye ato ho de: "Ampaara de, Mebedzi nkonyim, Emi na M'asomafo" (58:22). Nyankopon dze asem kor yi ara ama Anohoba Messiah (ANN) awerehyemu na ampaara Obeye no ma osiande Osoma Anohoba Messiah (ANN) de ombotow Islam nkyerekyere no mpetse wo hen mber yi mu. Onneba no de Nyankopon nko boa eso Onnkwowaw nyia Osoma no de onkotow No Som mpetse.

Anohoba Mesiah (an) kaa de: Nyankopon ahye ato ho wo asopon no ara na Oesi no awur de oye ne mbra (law) na Ne Ntoye de Ono na N'akomhyefo bedzi nkunyim aber biara. Susuampara de meye no nkonhyenyi na Noara somaa me yi, mbom menndze mbra (Shariah) fofor, nhyehye fofor anaaso dzin fofor bae. Mbom me nam Nkonhyenyi (NNN) ne dzin mu aba. Nkomhyefo nyinara hon nsowan na ne ndaedzi. Dem ntsi na meka de mbre otse wo tsetsebaado no ono nye de ofi Adam ber do kodu Nkonhyenyi Kronkron (NNN) ber do no kuran mu nyiyimu yi ahye ma, demara ara so wobehye no ma ama me. (wokyeree ase fii

Tafseer ul Qur'an, vol IV krataafa 329-330). Anohoba Mesiah (an) kyereew so de: ana dem nkorofu yi botum ase Nyankopon Ne nhyehyee a Nkomhyefo dzi ho dase fi ahyese no, a woennyi no tokyen? Onntse dem ara da, nokwar nye de Nyankopon No Nkonhye rebeba mu de "Allah esi no ewur". Ampaara de Mebedzi nkunyim, Emi na M'asomafo. (wokyere ase fii Tafseer ul Qur'an Vol. Iv, krataafa 330).

Hadhrat khalifatul Masi kaa de n'adwen mu nnye no konsee ketsekete mpo na mma Ahmadiyyanyi nokwarfo biara so n'adwen mu nnye no konsee de hen kuw yi bohwer Nyankopon No mboa. Owu de oda edzi pefee ma Ahmadiyyanyi biara adze a wofre no nkunyimdzi n'ase kyere. Ana owu tum wo aban no tum do? Ana obema Ahmadiyyafo aye ododow wo aman biara mu. Iyinom so nye nkunyimdzi ahorow ebien no. Se ehwe a ihu de Nyankopon Ne Ntoyye (Sunna), nkunyimdzi gu mu ahorow ebien: ne fa kor hye ma wo ne nkwa ndamu na ne nsamu, na ofa kor no so ohye ma wo ne wu ekyir ber a woreda ne nkyerekyere edzi. Anohoba Messiah kyere edzi. Anohoba Messiah kyereew: Na de ebokron no n'ase hye de Asomafo (am) na Akonhyefo nya pe de wadze Hujjat bobo adze wo wiadze yi mu na obiara nnkotum esi no ban ntsi, Nyankopon so dze No tum nsenkyeredze kyere hon nokwardzi nna nokwar a wope de wotow petse wiadze. Oma wodua nokwar no n'aba (The Will pp.5). Aba no ne dua no kyere de wiadze mba hu dza ofa no Nyankopon wo a owu ho eso wuhu nsenkyeredze na atenyi a onam Nyankopon N'adom soronko do wadze ama no na obiara renntum nye Nkomhyenyi ne nyimdze na n'adzehu nndzi esi.

Yeko do ka de woda nokwardzi ho nsenkyeredze edzi. Okomhyenyi n'atamfo botum ador naaso wonnkotum ebu no otorfo dabiarada. Ampaara, Nkomhyenyi Kronkron (NNN) n'atamfo ennya asenyi na nkyereasee a wadze maa Anohoba Messiah (ANN) a nna hon a wosi no bam no enntum annka no annhye wo ne nkwa ada mu nna wonntumii so bepem nde. Ansaana wimu nsenkyeredze a ofa no bosoom na ewia ho rebesi no, hon a wofre honho Ulema kyere de nna wohia. Naaso, ber a dem nsenkyeredze yi sisii no, wokyere ase de mbre honara wope wo akwan ahorow mu. Asaase wosow na nsenkyeredze pii sisii na hon a wommpe de wogye dzi no anngye enndzi. Naaso nkorofu a woye ahotseweefo kor do ara de worebhen kuw no mu. Nyankopon no Nkomhyenyi ma nkyerekyere pa a oda edzi fi ber to ber. Iyi saso na osii a ofa no anohoba a wobo ma Anohoba Messiah (as) na duaba no odua no renyin prampromm. Nkorofu kumaabi na woyee Bai'at wo no nkwa ber mu mbom oyye kunyundzi maa no ma nsenkyeredze pii sisii a ofua no ekyira nna obiara enntum nnye no enndzi egyinanan wo ho wo adwen mpiwii mu.

Nkunyindzi a oto do ebien no oba Okomhyenyi no no mu ekyir mbom oyye no ndwumma no ntoado. Atamdo dween de nkonhyenyi no enya ne beebi ko no na n'akaadofu no wobotum ase hon ho wonom ewurkadze kwan do atoto hon amam mu no obiara nnyi ho a obegyegye hon do bia. Dem na Anohoba Messiah n'atanfo wo dwenee. Mbom Anohoba Messiah no aka no dadaw de obedzi nkunyim de mbre Akomhyefo no a wodzii kan no na nkunyimdzi no bokoko do ara ekodu ber a Nyankopon N'anohoba nyinara ahye ma. Okaa de no wu ekyir no mma nkorofu nndzi awereshow osiande duaba no a oduaa no ekyir yi obenyim abeye dua a obosow aba a iyi nam Nyankopon Ne Nsenkyeredze a oto do ebien no beba mu, ono nye khilafat (Adzedzi no) Onam de Nkomhyenyi no nkunyimdzi ne fabi si wo no wu

ekyir no, Ahmadiyya kuw ruhu nkunyimdzi a ɔto do ebien mbre esi rehye ma. Okuw no bedzi nkunyim a ɔfa no nyimpa dodow mu, mbom Anohoba Messiah dze dwumadzi pii hyee hen nsa ama yeaahen nkunyimdzi yi mu bi fi mber santsen to santsen.

Dem dwumadzi yi tse de ma Kuran Krɔnkrɔn kyere hen no ara: de yebedzi Taqwa do, yeasakyer hen “su”, ye bɔdwen hen sunsum na eyiedzi tsebia mu Nkɔnahyenyi “Krɔnkrɔn (NNN) de ɔbekykyer Nyankopɔn N’aheman wɔ asaase yi do na ɔama wiadze yi shirk (de edze obi aka Nyankopɔn ho) tokyen. Ɔkaa de ɔye Otumfo Nyankopɔn ne pe de Ɔbotwe hɔn a wɔtsetse mbeambea ahorow nyinara, se Europe O anaa Asia O, hɔn a wɔye tsenenee no kɔ Nyankopɔn No korye ho na Ɔka N’asomafo nyinara kehye gyedzi kor ase. Iyi nye Nyankopɔn No botae a wɔasoma me wɔ wiadze. Dem ntsi hom so wɔmfa ayemuyie, tseneneeye na mpaabo a no mu ye dzen mfa dem kwan yi do (The Will pp.8-9).

Ngyinado a wɔdze fa nkorɔfo ba nokwar som no nye iynom: Tabligh (Nsempatre), ɔbrapa nwansanwansa no mbɔee, enam mpaabo do hwehwe Nyankopɔn no mboa. Obiara a ɔye Ahmadiyyanyi no a ɔka kɔ Anohoba Messiah (ANN) no noho no wɔ de ɔtse dem dwumadzi yinom ase ama no so o’eedua no do ahye botae a ɔnam do ma Anohoba Messiah (ANN) bae no ma. Hen mbɔdzenbɔ wɔ iyi ho no ye adom a Nyankopɔn dze ma hen no ne fa kumaabi. Dem no so, se yeannye hen asedze a, yebɔhwyer nhaira a wɔdze ma hɔn a wɔyer hɔn hɔ dzii botae yinom ho dwuma.

Nokwar nye de, ndɔbaa yi nam Nyankopɔn N’adom do ba, Ɔno a aber biara Ɔka hɔn a N’enyi gye hɔn ho no fua, se Ɔdze obinom gyina hɔ a , Ɔka hɔn atamfo nyinara gu na Ɔma nyia Ɔama no gyinabew no tu mpon . Se yeyi iyi si nkyen mpo a, wɔhye hen de yembɔ henho mbɔdzen wɔ iyi ho. Nyankopɔn akasa afa hɔn a wɔwɔ mbɔdzenbɔ ho su de : Na woana na onyim kasa kyen obi a ɔfre nyimpa kɔ Allah hɔ na ɔye ndzeyeeɛpa na ɔka de , Ampaara meka ahobrasefo no ho ?(41:34) Ɔno nye efre nkorɔfo kɔ Allah hɔ, ndwumapa ,itua ntoboa a odzi wɔ Allah ,na ntoboa a ɔye nyimpa dze , setsie mapa wɔ Nyankkopɔn Ne mbransɛm no ho, yenam hen ahɔdzen do hye hen ntoboa ma osiande yerunntum nndzi wɔ Allah nyim wɔ Tabligh gyede hen ndzeyee nye Nyankopɔn Ne nkyerekyere ko do na yennhwe N’enyigye ho ber a yeredzi dem dwuma no.

Ahmadiyyafo sua wɔ hɔn ehyiadze ase de wɔbɛma hɔn gyedzi edzi adɔntsin akyen wiadze nsem hɔ . Ɔwɔ de yedze hen ndzeyee suo iyi mu dzen. Se Adzedzifo (Khulafa) to wiadze taferɛw-banyin-mbɔ mu anaaso se Hadhrat Khalifatul Masih ka kyere wiadze de yebɔbɔ mbɔdzen biara a yebotum dze asem no ako wiadze na dabi yedze wiadze abɔ mu kor a, nna ogyina adwentsen do de okuwmba hɔn sunsum mu gyinabew botu kafo na wɔbɛma Anohoba Messiah (ANN) no botae no akrɔn eso ako do. Ɔye nokwar de Nyankopɔn aka de ɔwɔ de yenya nkrofo bi a wonya Nyamesɛm ho nyimdzii na wɔtow asem no pitse hɔnara hɔn nkorɔfo do , eso gyedzinyi biara wɔhye de ɔfre nkorɔfo kɔ Nyame nkyen. Se nsempatrefo atɔ sin a , yennkotum atweɔn de yebɛka nyamesɛm . Ɔwɔ de wɔtsetsew ekuwekuw wɔ beebiara a wobotum edzi dem dwuma yi. Nyame N’adom ntsi, yewɔ Ahmadiyyafo wɔ ɔman biara mu a wɔabɔ agye Tabligh do na wɔsee hɔn mber wɔ ho.

Yewɔ dem nkorɔfo yi wɔ Americaman mu , mbom wɔka de ɔnam ɔman no ne sikasem ntsi ɔwɔ de wɔyer hɔn ho ye edwuma papaapa ; dem ntsi wɔdan wiadze dodow. Mbom

Hadhrat Khalifatul Masih ehyia nkorɔfo wɔ ha a ɔnam Nyame N`adom ntsi wɔtɔ kɔ gyedzi do kyen wiadze ndzemba do a ɔye hu. Ɔkaa de iyi maa ɔbɔɔ mpaa ma hɔn. Oehyia nkorɔfo kumaabi a wodzi gua nketsenketse na ma ɔkeka ho naaso wɔfa iyinom ara mu ka nyamesem . Mbom wɔdze nkrataa a yetsintsim no wɔ Spain kasa mu dzi dwuma; na sesieara dze ɔye hɔn pe de nkye wobonya nsempatrefo a wɔka Spain kasa a wɔwɔ nyimdzii wɔ nyamesem mu. Okuw yi nam n`ahoodzen do robɔ mbɔden a obotum, ɔye Nyankopɔn Ne pe a. Mbom se Jama`at binom hia dem ndzemba yi a wɔmfa sunsum nhye mberentse no mu ma wɔnkɔ Jamia Ntsetseebea.

Dem nkanyan na atsenka yi yennhu no wɔ hɔn a wɔedzi nda wɔ Ahmadiyya mu nko, mbom yehu no wɔ Ahmadiyyafo a hɔn enyi efir so mu. Hadhrat Khalifatul Masih ehu iyi so wɔ mbrentse mu. Obi a ɔabeye Ahmadiyyanyi a ofi bea a wɔka Spain anaa Portugal kasa a ɔye de ɔtse Bay Point afamu hyiaa Khalifatul Masih na ɔdze nkenyan soronko bisaa mbre ɔbeye ma wɔdze Islam som no bodu nkorɔfo enyimenyim yi ara. Ɔkaa de onyim Bible mu ɔha ne nkyekyemu eduanan na orusua Kuran Krɔnkrɔn no mu adwenkyere ma mbisase. Hɔn a wɔaye Ahmadiyya akyer na wɔmmfa hɔn adwen nnkɔ iyi do no nhye no nsew.

Ahmadiyyanyi fofor no kaa de, nkorɔfo redan hɔnho ma Kristiansom ho, mbom nnye Nyankopɔn ho. Ohia de yekɔ kan kehye tokur yi ma. Ohia kɛsekɛse de yeka Nyamesem. Khalifatul Masih huun dem atsenka wɔ dem Ahmadiyyanyi fofor yi mu no, no so ɔyee no ehiadze ma ɔaka akyere Ɔsɔfopanyin (Missionary-in-charge) no de ɔnye nhyehyee wɔ iyi ho; ɔnye Ameer no so akasa Ekuwekuw a wɔye aboafɔ no nye Jama`at no nye pampam suomu na wɔnye nhyehyee wɔ Waqfe Arzi ho na wonsi nketsi nye edwuma dzen wɔ mbeambea a kwan ebuebue no. Odzi mu papaapa de wɔdze Ahmadiyya, nokwar Islam no bɔkɔ mbeambea a wɔka Spain anaa Portugal kasa no. ndzemba ama no mu do ekodu mpɛnpɛndo a nnye dza ohia nye yebeye dem nyienyim yi. Nyankopɔn ebueibuei asɔr pii a ɔye hu, nnye Americaman mu nko mbom wɔ America Anaafɔ ɔman bi a wɔfre no Guatemala.

Ahmadiyyanyi bi a ofi Guatemala nye Hadhrat Khalifatul Masih edzi ehyia. Ɔye Tabligh edwumayenyi a no dɔ wɔ edwuma yi ho kɔ kan yie, na oebisa de wɔmma ne nsa nka nkrataa a wɔakyerew no wɔ Spain kasa mu a ɔno wɔka no wɔ America Anaafɔ. Hen nkrataa wɔ Spain kasa mu no wɔtsintsim no wɔ Spain. Aber a wɔkaa mbɔdenbɔ a wɔrobɔ no wɔ Spain ntsi ɔmfa nkrataa a wɔtsintsim no wɔ Spain ndzi dwuma no ɔkaa de se wɔrohwe hɔn dodow ye ɔpepe anan a nna hɔn a hɔn dodow ye ɔpepe ahanan a wɔka Spanish kasa wɔbeye hɔn den wɔ Los Angeles mansin yi mu ha. Se hen mu kor biara dze no ho gye edwuma yi mu a, nsakyer kɛse na ɔbeba mansin yi mu. Nsakyer ba wɔ aber a dɔm nyinara dze hɔn ho begye mu na wɔaboa.

Ampaara de ɔye Nyankopɔn nhyehyee de Ɔdze nkunyimdzi beba na ɔgye de yedze hen ho begye mu bi. Dem ntsi Ahmadiyyanyi biara ɔwɔ mansin yi mu nkaa dwumadzi yi ho bi. Obinom gyina hɔnara hɔn mberewye do ka de bea yi ye wiadze yi mu afɛfɛwdze bea. Hɔn a wɔwɔ bea yi do no mmfa Nyamesom ho hwee, demara dɔm dodow bi so a wɔwɔ ha retweɔn hen. Dodow noa Hazrat Khalifatul Masih redwen asem yi ho no dem saso ho ɔhye m`akoma mu de annye a Islam no mpontu wɔ Americaman mu no befi dem mansin yi mu. Mma yemmfa henara hen mberewye nsusu dɔm a wɔwɔ ha yi. Jama`at edzibewdzifo nye nhyehyee

bi ma dem mansin yi (a wɔdze beka Nyamesem) na se hom wɔ nhyehyee dadaw a, ɔno hom mfa nye edwuma.

Asɔr yi mu nkorabata ahorow (Khuddam, Lajna nye Ansar) mbɔ hɔn ho mbɔdzen, demara so na Ahmadiyyanyi biara a ɔwɔ nkwaado ha ndzi dwuma mfa ho. Eso ɔye ɔman yi nyinara hɔn asodzii de wɔbeyɛ nhyehyee afa mansin yi ho. Ɔwɔ de yedze hen adwen si enyisom a Anohoba Messiah (ANN) nyaa no do. Onnyi de yeye hen adwen de yesuar, yeye Bai'at ntsi iyi ara ye ma hen. Ekyingye biara nnyi ho de, se Ahmadiyyanyi ye Bai'at a, nna ne gyinabew edzi mu. Ogyedzinyi mapa nye obi a ɔkɔ do nya mpontu na ɔma n'asotsie tu kafo. Ye wɔ nyimpa pii wɔ hɔ a hɔn edzikanfo gyee Ahmadiyyat too mu na wɔbɔɔ afɔr nwanwanso.

Ɔye nhye ma hɔn ekyirmba de wɔdzi hɔn afɔrbɔ nyi na ɔye hɔn enyisɔ. Iyi ye kwan a wɔbefa do enya hɔn mpanyimfo hɔn mpaabɔ. Mber kakra yi mu no, nkorɔfo bi a asetsena ayedzen ama hɔn wɔ hɔnara hɔn man mu no etu amantu aba ha. Ɔman yi mu aban no ama asetsena mu ndzenoa a wɔennya no wɔ hɔnara hɔn man mu mpo, naaso wɔdze hɔn kɔ atsetsee mu. Nkorɔfo yi aba aman yi mu osiade wɔye Ahmadiyyafo, dem ntsi ɔwɔ de wɔye dansewa wɔ hɔn asetsena mu. Hɔn a wɔrohwehwe asetsena wɔ ha na wonnya edwuma a wɔye no dem ntsi wɔwɔ ɔhaw mu no, mbɔ hɔnho hɔnho de wɔbehwehwe edwuma aye n aber biara a wobonya no wɔmfa nkyekye. Asɔr yi ho dawurbɔ nkrataa. Se etse fie a nya abagura. Iyi bema wɔafi dem gyinabew yi mu na Nyankopɔn so beyi hɔn efi ahokyer gyinabew yi mu.

Hadhrat Khalifatul Masih kɔ do kyereɛ Anohoba Messiah (ANN) no enyisom a ɔwɔ asɔrmba ho. Wɔtsew asɔr yi de yebɛnya gyedzi ntomu wɔ Nyankopɔn mu. N'adwendwen ho na ɔma gyedzi ntomu, dem ntsi na ohia de yebekan Kuran mber biara na y'adwendwen no mu nsem no ho. Se y'annkenkan Anohoba Messiah (ANN) no, no nwoma no a na yerobɔ hɔn ho abor. Afei gyedzi so nam nsenkyeredze do tu mpon. Anohoba Messiah (ANN) no nyaa nyikyere de, dom kese noara beba wo nkyen fir ekyirekyir nye mbeambea pii. Yehu dem yikyere yi de ahye ma wɔ ɔnoara n'aber do na siesieara so yehu no wɔ Jalsa ber wɔ ɔman biara mu. Nde so mpo nyimpa fifi mbeambea ahorow aba de wɔrebeye asɔr wɔ Khalifatul Masih a ɔts do yi ekyir. Iyi nyinara kyere ɔdɔ a wɔwɔ ma Anohoba Messiah (ANN) no. Se obi a ɔhwe adze yie hu iyi, na nyia no dwen asem ho na ɔdwen ho yie a, obohu de Nyankopɔn tsease na obenya gyedzi ntomu wɔ Jama'at yi mu.

Nsenkyeredxze kor so a Anohoba Messiah (ANN) no akyerɛ nye de nyimpa no benya dɔ kese ama Nyankopɔn wɔ aber a wɔaye Bai'at. Ɔkaa de Nyankopɔn asoma nokwarfo wɔ hen aber yi do na wɔahye no de ɔnkyekyer kuw bi a wɔdɔ Nyankopɔn. Ɔwɔ de yehwe hen abrabɔ mu hwe de yeridzi dem mbransɛm nyinara do anaa. Se nnye dem a, na hen gyedzi wɔ famu na Nyankopɔn pɛ de yenya gyedzi ntomu. Anohoba Messiah (ANN) no kaa de, me nyim de Nyankopɔn beyɛ hen mboa se yefa kwan pa do a, na yetsiatsia Nkɔnhyenyi n'anamɔn mu a, na yedze Kuran ne nkyerekyerɛ ye hen abrabɔ mu fasusu a, na yedze kɔ nyee do a ɔnnkeyɛ hen anofanfa keke. Se yetum ye dem a, ɔno se wiadze nyinara mpo ka hɔn ahɔdzen bɔmu de wɔdze reseɛ hen a, woronntum nsee hen osiande Nyankopɔn beka hen ho. Na se yeannyɛ setsie ama Nyame na yenye No twa nkitahodzi mu a, ɔno onnhia ɔtanfo biara na onnhia nhyehyee biara so. Ɔno Nyankopɔn Noara besɛe hɔn.

Anohoba Missiah no ka de, hom nhwe yie na hom mfa nyame suro akwan nantew de mbre Nyankopon pe, se annye dem a, ono ara besee hom osiande obeye de hom agye nokwar atomu na ekyir no hom apoow no wo ndzeyee mu.

Mma hom mmfa nnhyehya hom ho de hom aye Bai'at keke. Gyede hom fa Nyamesuro mapa. Ono hom nnkenya nkwaye. Nyankopon nnye obiara no busuanyi na onngye obiara ne ntamugyina ntomu. Ono ara na oboo hen atamfo na oboo hen so, gyedzi keke nkkeya mfaso gyede hen kasa na hen ndzeyee ye kor. Anohoba Mesia (ANN) no ka de, de obi botwe noho efi bon ho no ndzi mu nwie, mma hen asomba mmfa hon ho nnto iyi do. Mbom womper de wobedzi mu wo dwumadzi na mpaebɔ mu. Onye de hom nnyi bon akwa na hom nye tsenenee. Hom nkyere ahobrase na hom nhye som yi nokwor ma wo hom subanpa na ahotsewee kwan do. Iyi nye m'afotu a medze ma hom, dem ntsi hom nkae no aber biara. Hen kuw yi bedzi yie wo ber a dza owo hen mu na dza owo hen enyido beye kor de mbre hen kasa nye hen ndzeyee beye pe. Se yedze dem nkyerekyerepa yi ma afoforfo a wowa hen mu na yefa hon de woye hen ara hen dze na yeyi mpaapaamu fi hen mu ama yeafa hon de woye enuanom.

Americanfo ebibirfo pii aba Ahmadiyya kuw yi mu. Naaso ibinom pii wo ho a wɔatsew hon ho. Siantsir a woye Pakistanfo ho nye hon ndzi efutuw sakra. Woma hon Islam nkyerekyera naaso hon ara ndzi do. Owɔ mude hon a wɔatsew hon ho no ye tsibon. Anohoba Messiah no ka de, Nyankopon ndo hon a wɔhye atar akese feefew no, mbom hon a wotu hon ho ma No som na woma hon gyedzi bor wiadze yi mu biribiara do, iynom na wowa Nyankopon No do. Den ntsi hom ndwen iyi ho, mma hom ndwen wiadzi yi ho. Nyankopon aka de "na yebema hon a wodzi w'ekyir no edzi nyim wo etsiafo no hon do akapem wusoerda (3:56).

Owo mu de m'ekyirdzifo bedzi nyim wo atamfo do naaso dza owo de yedwen ho nye de nnye obiara a woye Bai'at no na oye m'ekyirdzinyi mapa. M'ekyirdzinyi nye obi a odzi mbransem nyinara do de mbre ofata wo ahobrase mu na otsiatsia m'anamon mu. Iyi kyere de Nyankopon ahye de mentsew kuw a wɔdze odo beye setsie ama me na oedzi m'ekyir. Iyi ma me awerehyemu na oma m'awerehow ye enyigye. Nyankopon ahye bo de Obema dem nkorɔfo yi epue wo me kuw yi mu kopem atsembuada, wama me dem nyimpa yi wo mber a abesenkɔr na oko do ara dze dem nyimpa yi dom me. Eso owo de yena gyinabew a Anohoba Messiah (ANN) no hwehwe de yena no. Yesere Nyankopon onye ho; na omma yenu Ahmadiyya nkunymdzi no bi wo henara hen aber yi do.

Translated by: 1. Mr. Alhassan Kobina Atta-Wenchie
(Tutor in English Language, Jamiatul Mubashireen, Ghana)
2. Maulvi Alhassan Bashir Annan Sahib
(Tutor, Jamiatul Mubashireen, Ghana)
3. Rasheed Possible Essuman Sahib
(First Year Student, Jamiatul Mubashireen, Ghana)

Downloaded from: www.jamiatulmubashireen.org
Contact: www.jamiatulmubashireen.org/contact-us